

起世因本經卷第九

惡九

隋三藏法師達摩笈多等譯

劫住品第十

諸比丘世間別有三種中劫何等爲三一者刀兵二者飢饉三者疾疫云何名爲刀兵中劫諸比丘刀兵劫者爾時衆人無有正行不如法說邪見顛倒具足同行十不善業是時衆生惟壽十歲諸比丘其人如是壽十歲時女生五月即便行嫁猶如今日年十五六嫁向夫家今時地力所生酥油生酥石蜜沙糖

粳米至於彼時一切滅沒不復出現又彼人民壽十歲時純以羖羊毛褐爲衣猶如今日迦尸迦嬌奢耶衣芻摩繒衣度究邏衣匱路摩婆衣劫貝衣甘婆羅寶衣最爲勝妙彼毛褐衣亦復如是當於爾時惟食稗子猶如今人食粳米等以爲美食又爲父母之所憐愛願其十歲以爲上壽亦如今人願壽百歲諸比丘彼十歲時所有衆生不孝父母不敬沙門及婆羅門不敬耆舊然亦得他供養承事讚歎尊重猶如今時行法教人名譽無異何

以故其業爾故又諸比丘十歲時人無有善名亦不修行十善業道一切多行不善之業衆生相見各生毒害殺戮之心無慈愍意如今獵師在空山澤見諸禽獸惟起毒害屠殺之心又諸比丘當於彼時一切人民嚴身之具皆是刀仗亦如今人華鬢耳璫頸瓊臂釧指環釵鐫以莊嚴身彼用刀仗亦復如是又諸比丘當於彼時中劫將末七日之內一切人民手所觸若草若木土塊瓦石悉成刀仗其鋒甚利勝人所造各各競捉共相屠害

七日之間相殺略盡因此命終並墮惡趣受地獄苦何以故以其相向各生殺心濁心惡心無利益心無慈悲心無淨心故諸比丘此等名爲刀仗中劫諸比丘云何名爲飢饉中劫諸比丘飢饉劫時一切人民無有法行邪見顛倒具足皆行十不善業以是因緣天不降雨以無雨故世便飢饉無復種子白骨爲業諸皮活命云何名爲白骨爲業諸比丘飢饉之時彼諸人民若於四衢若於街巷城郭行路處處悉往收拾白骨水煎取汁飲以活

命是故名爲白骨爲業云何名爲諸皮活命
諸比丘飢饉劫時彼諸人民以飢急故取諸
樹皮煮飲其汁以自活命是故名爲諸皮活
命諸比丘彼時衆生飢餓死已皆當下生惡
趣之中所謂墮在閻魔羅世受餓鬼身以彼
衆生慳貪嫉妒畏食物盡爭取藏故諸比丘
此等名爲飢饉中劫諸比丘云何名爲疾疫
中劫諸比丘彼時人民欲行正法欲說如法
亦欲行於無顛倒見亦欲具行十善業道但
於是時諸如法人以其過去無十善業勝果

報故遂令非人放其灾氣流行癘疫致使多
人得病命終諸比丘又於如是疾疫劫時更
有他方世界無量非人來爲此間一切人民
作諸疫病何以故以其放逸行非法故彼諸
非人奪其精覓與其惡觸令心悶亂其中多
有薄福之人因病命終譬如國王若王大臣
三守護民故於其界首安置戍邏有時他方盜
賊忽來由彼戍邏不謹慎故有放逸故被諸
群賊一時誅戮或滅其家或破村落或屠聚
邑或毀國城如是如是以放逸故他方非人

來行疾疫命終皆盡亦復如是或復彼時他方非人來行疾病時諸衆生無放逸行但彼鬼大力強相逼惱奪其精竄與其惡觸令心悶亂於中多有遇病命終譬如國王或王大臣爲諸聚落作守護故安置鎮防或於後時他方劫賊來相侵擾而是鎮防無有放逸勤謹遮護但彼賊大力強相逼惱亦能一時誅

劫

廿佳品第十一

戮諸人或滅其家村舍聚落略說如上如是如是諸比丘於疾疫劫衆人遇病逼切命終亦復如是其身死已皆得上昇生諸天中所

以者何爲彼衆生無相害心無惱亂心有利益心慈心淨心故當命終時又各相問汝病可忍得少損不頗有脫者頗有起者頗有疾病全差者不諸比丘以是一因緣得生天上此等名爲疾疫中劫諸比丘是名世間三種中

諸比丘於世界中有四無量不可量不可稱不可思議若天若人世中算數欲取其量經若干年若干百年若干千年若干百千年若

千俱致年若干百俱致年若干千俱致年若干百千俱致年若干千俱致年終不能得何等爲四諸比丘若世界住此不可得算計而知若干年若干百年若干千年若干百千年若干俱致年若干百俱致年若干千俱致年若干百千俱致年諸比丘若世界住已壞亦不可得算計而知若干年若干百年若干千年若干千俱致年若干百年若干俱致年諸比丘此等名爲四種無量不可量數知若干百千萬年若干百千萬俱致年者諸比丘於此東方所有世界轉住轉壞無有間時或有轉成或有轉壞諸比丘南西北方

所有世界轉成轉住轉壞亦復如是諸比丘
如五段輪除其軸已旋轉不住無暫閑時略
說世界亦復如是又如夏雨其滴麤大相續
落九
下注無有休間如是東方南西北方成住壞
轉無停住時亦復如是諸比丘於其中間復

五

有三灾何等爲三一者火灾二者水灾三者
風灾於火灾時光音諸天首免其灾水灾之
時偏淨諸天首免其灾風灾之時廣果諸天
首免其灾云何火灾諸比丘火灾起時諸衆
生等皆有善行所說如法正見成就無有顛

倒具足修行十善業道無覺觀禪不用功修
自然而得時彼衆生以神通力住於虛空住
諸仙道住諸天道住梵行道如是住已受第
二禪無覺觀樂如是證知成就具足身壞即
生光音天中地獄衆生畜生衆生閻魔羅世
阿脩羅世四天王世三十三天須夜摩天兜
率陀天化自樂天他化自在天及魔身天乃
至梵世一切衆生於人間生悉皆成就無覺
無觀快樂證知身壞即生光音天處一切六
道皆悉斷絕此則名爲世間轉盡諸比丘云

何世間住已轉壞諸比丘當於彼三摩耶時無量時長遠時天下亢旱無復雨澤所有草木一切乾枯無復遺餘譬如葦荻乘青刈之不得雨水乾枯朽壞無復遺餘如是如是諸比丘天久不雨一切草木悉皆乾枯亦復如是諸比丘諸行亦爾一切無常不久住不堅牢不自在破壞之法應當厭離速求解脫復次諸比丘爾時有迦梨迦大風吹八萬四千由旬大海之水皆令四散於下即有日天宮殿便吹一日出在海上置於須彌山王半腹

之間去地四萬二千由旬日行道中諸比丘此名世間第二日出世間諸小陂池溝河一切乾竭無復遺餘諸比丘一切諸行悉皆無常略說如上當求免脫復次諸比丘略說如前迎黎迦風吹大海水復出宮殿置日道中是名世間第三日出世間所有大陂大池大溝大河及恒河等一切諸河悉皆乾竭無復遺餘諸行亦爾一切無常如是次第世間復有第四日出爾時一切大水大池所謂善現大池阿那婆達多大池曼陀祇尼大池蛇滿

大池等悉皆乾竭無復遺餘諸行亦爾一切無常如是次第世間復有第五日出當於是時此大海水漸漸乾竭初少減損如齊腳踝乃至轉減如至腳膝乃至半身乃至一身二三四五六七人身齊此乾竭諸比丘五日出時大海之水漸更損減半多羅樹乃至一多羅樹或二三四五六七多羅樹漸復乃至半俱盧奢一二三四五六七俱盧奢減損乾竭乃至半由旬一由旬二三四五六七由旬以漸而減乃至一百由旬二百由旬三四五六

七百由旬以漸而減諸比丘五日出時大海之水漸復損減一千由旬二千由旬乃至三四五六七千由旬諸比丘當於世間五日出時彼大海水所餘殘者略說乃至七千由旬或至六千五四三二一千由旬五百九如是乃至七百由旬六百由旬五四三二一百由旬餘水殘在如是乃至或七由旬或六由旬五四三二由旬在或復減至七俱盧奢六俱盧奢五四三二一俱盧奢餘水殘在諸比丘於世間中五日出時彼大海水餘殘在者深七多

羅樹或六多羅樹五四三二一多羅樹或復
餘水深如七人或如六人五四三二或復一
人乃至半人或膝已下或至於踝水殘齊此
又五日出時於大海中或時少分有餘殘水
如秋雨時牛跡之中少分有水如是如是五
日出時大海之中少水亦爾又諸比丘五日
出時彼大海中於一切處乃至乾竭無復餘
水如塗脂者諸比丘一切諸行亦復如是無
常不火須臾暫時略說乃至可厭可離應求
免脫復次諸比丘略說如前乃至六日出現

世時彼四大洲及八萬四千小洲一切大山
乃至須彌山王並皆烟起起已復起猶如瓦
師燒器物時器上火焰一時俱起起已復起
其火遂盛充塞徧滿如是如是彼四大洲及
諸大山烟起猛壯亦復如是略說乃至諸行
無常應求免脫復次諸比丘略說如前七日
出時彼四大洲及八萬四千小洲一切大山
乃至須彌山王並皆洞然地下水際亦悉乾
竭水聚既盡風聚亦消如是火焰熾盛之時
須彌山王頂際上分七百由旬一時崩落其

火轉熾風吹上燒梵天宮殿惟不能至光音
天中爾時彼天所有後生光音天子未知世
間劫有轉壞轉壞已成及轉住故皆生恐怖
驚愕顫悚咸相謂言將無火焰延來燒此光
音宮殿是時彼中舊生光音諸天子輩善知
卷九
世間劫壞成住慰喻後生諸天子言汝諸仁
等莫驚莫畏汝諸仁等莫驚莫畏所以者何
諸仁當知昔有光焰亦至於此時諸天衆聞
此語已即便憶念往昔火光憶念彼光不離
於心故得此名所謂光天彼火如是極大熾

然猛焰洪赫焚其灰燼無復遺餘而可記識
諸比丘諸行如是略說乃至可求免脫諸比
丘云何世間壞已復成諸比丘爾時復經無
量久遠不可計數日月時節起大重雲乃至
徧覆梵天世界既徧覆已注大洪雨其滴甚
麤或如車軸或復如杵經歷多年百千萬年
彼雨水聚漸漸增長乃至梵天所住世界其
水徧滿然彼水聚有四風輪之所住持何等
爲四一名爲住二名安住三名不墮四名牢
主時彼水聚雨斷已後還自退下無量百年

萬億由旬當於爾時四方一時有大風起其
風名爲阿那毗羅吹彼水聚波濤沸涌混亂
不停水中自然生大沫聚時阿那毗羅大風
吹彼沫聚_{經九}空中從上造作諸梵宮殿微
妙可愛七寶間成所謂金銀瑠璃玻瓈赤珠
碑礎碼礎諸比丘以此因緣有斯上妙宮殿
牆壁梵身諸天世間出生諸比丘如是作已
彼大水聚復更退下無量百千萬億由
說如前四方風起名阿那毗羅由此大風吹
擗水沫復成宮殿名覺身天牆壁住處如梵

身天無有異也惟有寶色精麗差降少殊異
耳如是造作他化自在諸天宮殿化樂諸天
宮殿次後造作刪兜率陀諸天宮殿次造夜
摩諸天宮殿如是次第具足出生皆如梵身
諸天宮殿但其實色漸少麤異諸比丘時彼
水聚轉復減少乃下退下無量百千萬億由
旬湛然停住於水聚中周匝四方自然起沫
浮在水上厚六十八億由旬周圍無量譬如
泉池及陂泊中普偏四方皆有浮沫彌覆水
上凝然而住如是如是諸比丘彼水聚中普

四方面浮沫在上厚六十八億由旬周圍無量亦復如是諸比丘時阿那毗羅大風吹彼水沫即復造作須彌山王次作城郭雜色可愛四寶所成所謂金銀瑠璃玻瓈等寶諸比丘以此因緣世間便有須彌山王出生顯現諸比丘又於是時毗羅大風吹彼水沫於須彌山王上分四方造作山峯其峯各高七百

殿高大城壁七寶成就雜色莊嚴如是作已復吹水沫爲日天子具足造作七大宮殿城郭樓櫓皆七寶成種種莊嚴雜色可觀以是因緣世間便有七日宮殿安住現在又諸比丘其風次吹彼水聚沫於須彌山上更復造

作三處城郭七寶莊嚴雜色殊妙所謂金銀乃至碑礫碼硝等寶以此因緣如是城郭世間出生復次諸比丘時阿那毗羅大風又吹此沫於海上高萬由旬爲空居夜叉造玻瓈宮殿城郭樓櫓皆亦玻璃諸比丘以此因緣世間便有空居夜叉宮殿城壁具足出生復次諸比丘時阿那毗羅大風又吹水沫於須彌山王東西南北各各去山一千由旬大海之下造作四面阿脩羅城七寶莊嚴微妙可愛乃至世間有此四面阿脩羅城如是出

生復次阿那毗羅大風吹彼水沫擲置須彌山王之外即於彼處復造大山名曰佉提羅迦其山高廣各四萬二千由旬皆是七寶莊嚴成就殊妙可觀諸比丘以此因緣世間便有佉提羅迦山卷九如是出生復次阿那毗羅大風吹彼水沫又擲置於佉提羅迦山外更於彼處造作一山名曰伊沙陀羅其山高廣各二萬一千由旬雜色可愛七寶所成乃至碑礫碼硝等寶諸比丘以此因緣世間便有伊沙陀羅山如是出生復次阿那毗羅大風吹

彼水沫又更擲置伊沙陀羅山外亦於彼處
造作一山名曰由乾陀羅其山高廣一萬二
千由旬雜色可愛乃至碑碣碼礪七寶所成
諸比丘以此因緣世間便有由乾陀羅山王
顯現出生如是次第作善現山高廣正等六
千由旬次復造作馬片頭山舊云半頭高廣正等
三千由旬次復造作尼民陀羅山高廣正等
一千二百由旬次復造作毗那耶迦山高廣
正等六百由旬次復造作斫迦羅山高廣正
等三百由旬雜色可愛皆是金銀瑠璃玻瓈

赤珠碑碣碼礪等七種妙寶之所成就具說
如上造法提羅迦山無有異也諸比丘以此
因緣世間便有斫迦羅山等如是出生復次
阿那跋羅大風吹彼水沫又散擲置斫迦羅
山外於四方面作四大洲及八萬小洲并餘
大山如是展轉造作成就諸比丘以此因緣
世間便有此四大洲八萬小洲諸大山等次
第出現復次阿那跋羅大風吹彼水沫過四
大洲八萬小洲須彌山王并餘一切大山之
外周市安置名曰大輪園山高廣正等六百

八十萬億由旬牢固真實金剛所成難可破壞諸比丘以是因緣大輪圍山世間出現復次阿那毗羅大風吹掘大地漸漸深入乃於其中置大水聚湛然停積諸比丘以此因緣於世間中便有大海如是出生復何因緣此大海水如是鹹苦不堪飲食諸比丘當知此事有三因緣何等爲三一者從火灾後經無量時長遠時起大重雲彌覆凝住乃至梵天然後降雨其滴甚大廣說如前彼大雨汁洗梵身天一切宮殿次復偏洗魔天宮殿他化

自在天宮殿化樂天宮殿兜率陀天宮殿夜摩天宮殿洗已復洗如是大洗洗彼宮時所有鹹辛苦味悉皆流下次復偏洗須彌山王及四大洲八萬小洲諸餘大山輪圍山等如是洗時浸漬流盪其中所有鹹辛苦味一時并下入大海中諸比丘此第一因緣令大海水鹹不堪飲復次此大海水爲諸大神大身衆生之所居住何者大身所謂魚鼈虬獺龜黿蝦蟆宮毗羅低摩邪低寐彌羅低寐兜羅兜羅祁羅等其中或有一百由旬身二百由旬

三四五六七百由旬有如是等大身衆生在其中住彼之所有屎尿流出皆在海中以是因緣其水鹹苦不堪飲食諸比丘此爲第二鹹苦因緣復次此大海水古昔諸仙曾所祝故諸仙祝言願汝成鹽味不堪飲願汝成鹽味不堪飲諸比丘此是第三鹹苦因緣今大海水鹹不堪飲復次有何因緣大熱沃燋世間出也諸比丘當此世界劫初轉時始成就時阿那毗羅大風吹彼日天六宮殿悉皆置於大海水下所安置處其地分中彼大水

聚並即消盡不得流汎諸比丘以此因緣世間有是大熱沃燋示現出生是名世間轉壞已住復次何名世間轉壞成住諸比丘猶如今者世間成已是住立而有火灾云何復有水灾出也諸比丘水灾劫時一切人民有如法行說如法語正見成就無有顛倒持十善行彼諸人等當得無喜第三禪處不勞功力無有疲倦自然得之時彼衆生得住虛空諸仙諸天梵行道中得住中已歡喜快樂即自稱言諸仁者快樂快樂此第三禪如是快

樂爾時彼處一切衆生皆共問此得禪衆生
彼便答言善哉仁者此是無喜第三禪道應
如是知彼諸衆生既得知已便復成就如是
無喜第三禪道成就已證證已思惟思惟已
住身壞命終生偏淨天如是下從地獄閻魔
羅世阿脩羅世四天王天乃至梵世光音諸
天自此已下一切衆生一切處一切有皆悉
斷盡諸比丘是名世轉復次云何世間轉已
而壞諸比丘經無量久遠三摩耶時大雲偏
覆乃至充滿光音諸天自是已下雨沸灰水

無量多年略說乃至百千億年諸比丘彼沸
灰水雨下之時消光音天所有宮殿悉皆滅
盡無有形相微塵影像可得識知譬如以酥
擲置火中消然都盡無有形相可得驗知如
是如是彼沸灰水雨下之時消光音天諸宮
殿等亦復如是無相可知諸比丘諸行無常
破壞離散流轉磨滅須臾不停亦復如是可
第十九
歟可患應求免脫諸比丘如是梵身諸天魔
身化樂他化自在兜率夜摩諸宮殿等為沸
灰雨澆洗消滅略說同前如酥投火融消散

失無有形相亦復如是乃至一切諸行無常應求免離諸比丘彼沸灰水雨下之時雨四大洲八萬小洲并餘大山須彌山王消磨滅盡無有形相可得記識廣說如前應可患狀如是變化惟除見者乃能信之此名世間轉已而壞復次云何轉壞已成諸比丘爾時起雲注大水雨經歷多年起風吹沫上作天宮廣說乃至如火灾事是爲水灾復次云何有於風灾諸比丘欲風災時一切衆生如法修行成就正念生第四禪中廣果天處地獄衆

生捨地獄身來生人間修清淨行成就四禪亦復如是諸畜生道閻魔羅世阿脩羅世四天王天三十三天夜摩天兜率陀天化樂天他化自在天魔身天梵世光音偏淨諸天等皆修行成就四禪廣說如上諸比丘是名世轉云何轉壞諸比丘經於無量久遠三摩耶時有大風起其風名曰僧伽多此言和合諸比丘十五彼風先吹偏淨諸天一切宮殿令相揩磨遂至壞滅無有餘殘而可記識譬如壯士取二銅器兩手執之相揩不已破壞消滅無有形

相餘殘可識彼和合風吹徧淨天宮殿磨滅
亦復如是諸比丘諸行無常破壞離散須臾
不久乃至可歟應求免脫如是次第吹光音
天所有宮殿梵身諸天所有宮殿魔身天他
化自在天化樂天夜摩天一切宮殿相長相
觸相揩相磨一一皆令無形無相無影無塵
而可記識諸比丘一切諸行亦復如是敗壞
不牢無有真實應當歟離早求免脫諸比丘
彼風又吹四大洲八萬小洲并餘大山須彌
山王或令舉高一拘盧奢分散破壞或二或

三四五六七拘盧奢已分散破壞或吹令高
一由旬二三四五六七由旬或吹令高百由
旬二三四五六七百由旬分散破壞或吹令
高千由旬二三四五六七千由旬或吹令高
百千由旬分散破壞彼風如是吹破散壞一
切皆令無形無相無有微塵餘殘可見譬如
壯健丈夫手把麥麩末令粉碎向空擲之分
散飄颻無形無影如是如是彼風吹破諸洲
諸山亦復如是惟除見者乃能信之此名世
間轉住已壞復次世間云何壞已轉成諸比

丘如是復經無量年歲極大長遠三摩耶時

起大黑雲普覆世界乃至徧淨天宮既徧覆已便降大雨其滴龐大或如車軸或復如杵相續注下經歷多年百千萬年水聚深積至徧淨天悉皆盈滿四種風輪之所住持如前

諸九
所說乃至吹沫造徧淨宮七寶雜色顯現出生一一皆如火灾水灾次第而說諸比丘是名世間壞已轉成云何世間轉成已住諸比丘猶如今者天人世間轉成已住諸比丘如是次第皆以風吹此等名爲世間三灾

最勝品第十二之一

復次諸比丘世間轉已如是成時諸衆生等多得生於光音天上是諸衆生生彼天時身心歡豫喜悅爲食自然光明又有神通乘空而行得最勝色年壽長遠安樂而住諸比丘

爾時世間轉壞已成空無有物諸梵宮中未有衆生光音天上福業盡者乃復下生梵宮殿中不從胎生忽然化生此初梵天名娑訶波帝娑訶者世界名波帝者主也爲如是故有此名生諸比丘爾時復有諸餘衆生福壽盡者從光音

天捨身命已亦於此生身形端正喜悅住持
以爲飲食自然光明有神通力騰空而行身
色最勝即於其間長時久住彼諸衆生如是
住時無有男女無有良賤惟有此名名曰衆
生衆生也復次諸比丘當於如是三摩耶時經九十七
此大地上出生地肥周徧凝住譬如有人熟
煎乳汁其上便有薄膜停住亦如水膜停住
水上如是如是諸比丘復於後時此大地上
所生地肥凝然停住漸如鑽酪成就生酥有
如是等形色相貌其味甘美猶如上蜜爾時

衆生其中忽有性貪嗜者作如是念我今亦
可以指取此試復嘗之令我得知此是何物
時彼衆生作是念已即以其指深齊一節沾
取地味吮而嘗之嘗已意喜如是一沾呢吮
乃至再三即生貪著次以手抄漸漸手掬後
遂多掬恣意食之時彼衆生如是抄掬恣意
食時復有無量其餘諸人見彼衆生如是食
歟亦即相學競取而食諸比丘彼諸衆生取
此地味食之不已其身自然漸漸澀惡皮膚
龐厚顏色濁闇形貌改異無復光明亦更不

能飛騰虛空以地肥故神通滅沒諸比丘如前所說後亦如是爾時世間便成黑闇諸比丘爲如是故世間始有大闇出生復次云何

於如是時世間忽然出生日月及諸星宿便有晝夜一月半月年歲時節等名字生也諸

比丘爾時日天勝大宮殿從東方出遠須彌山半腹而行於西方沒西方沒已還從東出爾時衆生復見日天勝大宮殿從東方出名相告言諸仁者還是日天光明宮殿再從東出右遠須彌當於西沒第三見已亦相謂言

諸仁者此是彼天光明流行此是彼天光明流行也是故稱日爲修黎耶修黎耶修黎耶此言是彼故有如是名字出生

起世因本經卷第九

九

十八

音釋

| | | | |
|---|---|---|----------|
| 飢 | 饉 | 饉 | 饉居宜切穀不熟也 |
| 鍤 | 鍤 | 鍤 | 鍤渠亦切菜不熟也 |
| 釧 | 釧 | 釧 | 釧頭又絹切 |
| 鑷 | 鑷 | 鑷 | 鑷臂鉗也 |
| 燭 | 燭 | 燭 | 燭皮波為切 |
| 燼 | 燼 | 燼 | 燼也疾也 |
| 燭 | 燭 | 燭 | 燭溝古侯切 |
| 燭 | 燭 | 燭 | 燭餘也水濱也 |
| 燭 | 燭 | 燭 | 燭也切 |
| 燭 | 燭 | 燭 | 燭莫驚也 |
| 燭 | 燭 | 燭 | 燭底也 |
| 祝 | 祝 | 祝 | 祝陟與救拱息制力 |

呪同
顙也 吻組充切
含吸也 抄揃抄楚交切
兩手捧也 握

永樂北藏

起世因本經

第六〇冊